




**ՀԱՅՐԱՊԵՏԱԿԱՆ Ս. ՊԱՏԱՐԱԳ ԵՎ ՔԱՐՈԶ ՄԱՅՐՈՒ ՏԱՃԱՐՈՒՄ
ՓՐԿՉԻ ՀՐԱՇԱՓԱՌԻ ՀԱՐՈՒԹՅԱՆ ՏՈՆԻ ԱՌԹԻՎ**

Մարտի 26-ին, կիրակի.—Չատիկ. Յիշատակ Յարութեանն Տեառն մերոյ Յիսուսի Քրիստոսի:

Այսօր քրիստոնեական եկեղեցու մեծագույն տոնն է, ս. Հարության տոնը, որ սիածամանակ զարնան տոն է համարվում ըստ մեր ազգային հին ավանդությունների, այսինքն բնության վերագարթոնքի խորհրդավոր տոնը ձմեռային մեռելությունից հետո:

Օրը զարնանային է, ջերմ ու արևոտ՝ հագեցված զարնան անուշ բույրով:

Մայր տաճարը, մայրավանքի շրջափակը լեցուն է քաղաքամայրից, հեռավոր շրջաններից եկած հավատավորների հոծ բազմությամբ:

Ժամը 11-ին հնչում են Մայր տաճարի զանգերը՝ ավետելով Փրկչի հրաշափառ Հարության ուրախությունը:

Ժամը 11.30-ին Վեհափառ Հայրապետը Վեհարանում զգեստավորված, եկեղեցական թափոթով առաջնորդվում է Մայր տաճար՝ մատուցելու զատկական հանդիսավոր ս. արարարագ:

Ս. Սեղանին սպասարկում են Մայր Աթոռի վարդապետներ և տարկավագներ:

Մայր տաճարի երկու առյաններում ներկա են Գերագույն հոգևոր խորհրդի, Վերստուգիչ հանձնաժողովի, Իրավագիտական մարմնի անդամները, մայրավանքի պաշտոնեությունը, հոգևոր անմարանի դասախոսները, ինչպես նաև Չատկվա տոնի առթիվ հատկապես Թեմրանից ժամանած 45 հոգուց քաղկացած ուխտավորական խումբը, որը եկել էր իր ուխտը կատարելու ս. Էջմիածնի խորանների սուջև և համբուրելու հայրենի հողը:

Ս. արարարագին ներկա է նաև ՀՍՍՀ Միեմատրների խորհրդին ատրնթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

«Հայր մեր»-ից առաջ քարոզում է Վեհափառ Հայրապետը՝ տալով Քրիստոսի Հարության ոգևորիչ ավետիսը բովանդակ հայության, որ ի հայրենիս և ի սիրյուս աշխարհի:

Հայոց Հայրապետի զատկական քարոզը տպագրվել է «Էջմիածին» ամսագրի սույն

համարում (էջ 3): Նույն օրը, երեկոյան, Երևանի ռադիոկայանից հաղորդվում է Հայոց Հայրապետի գատկական վերոհիշյալ քարոզը:

Իր քարոզի ավարտին Վեհափառ Հայրապետը հայրական ջերմ սիրով և մեծ ուրախությամբ ողջունում է թեհրանահայ ուխտավորների ներկայությունը, օրհնում և բարի գալուստ մաղթում նրանց:

Ս. պատարագի ավարտին թեհրանահայ ուխտավորական ամբողջ կազմը քարեպաշտ երկյուղածությամբ հաղորդություն է ընդունում Ամենայն Հայոց Հայրապետի ձեռից:

Հավարտ ս. պատարագի Վեհափառ Հայրապետը առաջնորդվում է Վեհարանի փոքր դահլիճ, ուր ընդունում է բազում շնորհավորություններ:

Ժամը 15-ին Վեհարանի սեղանատանը տրվում է գատկական ավանդական ճաշկերույթ, որին ներկա են լինում Մայր Աթոռի միաբանությունը, Գերագույն հոգևոր խորհրդի, Վերստուգիչ հանձնաժողովի և Իրավագիտական մարմնի անդամները, Մայր Աթոռի պատասխանատու աշխատողներ, թեհրանահայ ուխտավորների ներկայացուցիչներ:

Ջատկական ճաշկերույթին ներկա է լինում նաև ՀՍՍՀ Մինիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

Ծաշկերույթի ընթացքում շնորհավորանքների և բարեմաղթության խոսքեր են ասում Վեհափառ Հայրապետը, տ. Կոմիտաս սրբազանը և Անդրանիկ Հասրաթյանը:

Չափազանց հուզիչ և անկեղծ էին, հանուն թեհրանահայ ուխտավորական խմբի, տիկին Նելլի Եղիազարյանի որդիական երախտագիտության և սրտագին շնորհակալական խոսքը՝ ուղղված Վեհափառ Հայրապետին, իրենց հանդեպ ցույց տված ուշադրության և հոգատարության, ինչպես նաև Մայր Աթոռ ս. Էջմիածնից, Վեհափառ Հայրապետից, Ավագ շաքաթվա մի քանի օրերի ընթացքում եկեղեցական արարողություններից և հայրենի աշխարհից նրանց ստացած անմոռանալի տպավորությունների համար:

Ջատկական ճաշկերույթն ավարտվում է Վեհափառ Հայրապետի «Պահպանիչ»-ով և օրհնությամբ:

